

Na osnovu člana 8. tačka j.) Pravilnika o unutrašnjem sudskom poslovanju ( Službeni glasnik BiH broj: 66/12, 40/14, 54/17, 60/17, 30/18 i 83/22), člana 38. i 9. Zakona o platama i naknadama u organima vlasti u Kantona Sarajevo („Službene novine Kantona Sarajevo“, br. 5/19, 40/22 i 6/25), člana 112. Kolektivnog ugovora za državne službenike i namještenike u organima državne službe Kantona Sarajevo („Službene novine Kantona Sarajevo“, br.51/23 i 30/24), uz pribavljeno mišljenje Ministarstva finansija Kantona Sarajevo i Samostalnog sindikata Kantonalnih državnih službenika i namještenika, v.d. predsjednika suda donosi:

### **PRAVILNIK**

#### **o izmjenama pravilnika o platama i naknadama koja nemaju karakter plate državnih službenika i namještenika Kantonalnog suda u Sarajevu**

#### **Član 1.**

U Pravilniku o platama i naknadama koja nemaju karakter plate državnih službenika i namještenika Kantonalnog suda u Sarajevu broj 009-0-Su-22-000879 od 16.03.2023.godine, broj: 009-0-Su-23-000378 od 24.04.2023.godine, broj: 009-0-Su-23-000996 od 12.03.2024.godine i broj: 009-0-Su-24-000596 od 06.11.2024.godine u članu 5. u tabeli prikaza radnih mjesta, platnih razreda i koeficijenata državnih službenika se mijenja treća kolona „Platni razred“ i glasi:

#### **Član 5.**

„Radna mjesta državnih službenika Suda razvrstavaju se u platne razrede, a za svaki platni razred utvrđuju se koeficijenti za obračun plaće prema sljedećim vrijednostima:

<b>Redni broj</b>	<b>Naziv radnog mjesta</b>	<b>Platni razred</b>	<b>Koeficijent</b>
1.	Sekretar Kantonalnog suda u Sarajevu	II	6,20
2.	Pomoćnik predsjednika suda	III	5,70
3.	Sudski stručni saradnik u Kantonalnom sudu u Sarajevu	IV	5,20
4.	Interni revizor	IV	5,20
5.	Rukovodilac unutrašnje organizacione jedinice	VI	4,50
6.	Stručni savjetnik	VIII	4,10
7.	Viši stručni saradnik	IX	3,90
8.	Stručni saradnik	X	3,70

“

## Član 2.

U članu 15. stav (1) mijenja se i glasi:

„(1) Državni službenik i namještenik ima pravo na naknadu plaće u punom iznosu za vrijeme privremene spriječenosti za rad (bolovanje) do 42 kalendarska dana.“

## Član 3.

Član 17. mijenja se i glasi:

„Državni službenik i namještenik za vrijeme plaćenog odsustva i godišnjeg odmora ima pravo na naknadu plaće u punom iznosu.“

## Član 4.

U član 27. u stavu (2) riječ: “Odlukom” zamjenjuje se riječju: “Propisom”.

## Član 5.

Ove Izmjene Pravilnika, nakon pribavljenog mišljenja Ministarstva finansija Kantona Sarajevo i Samostalnog sindikata državnih službenika i namještenika Kantona Sarajevo, objavljuju se na oglasnoj ploči Suda, a stupaju na snagu osmog dana od dana objavljivanja.

Sarajevo, 26.02.2025.godine



Pravilnik o izmjenama Pravilnika je objavljen na oglasnoj ploči suda dana 10.03.2025.godine a skinut sa oglasne ploče dana 18.03.2025.godine.

Broj: 009-0-Su-25-000157  
Sarajevo, 26.02.2025. godine